

## DOBAR LOŠ ZAO




### AKCIJA MESO

Pripadnici SIPA su u nekoliko gradova proveli akciju kodnog naziva Meso, u kojoj je privedeno više osoba, a među njima dopremijer FBiH Jerko Ivanković Lijanović, ministar trgovine Milorad Bahilj, nekoliko članova porodice Lijanović i drugi koji se sumnjiče za utaju 11,6 miliona KM. Iz Tužilaštva BiH kažu da je riječ o jednom od najsloženijih predmeta organiziranog kriminala s kojim su odlučni da se obračunaju.

### REŠID HAFIZOVIĆ



Profesor Fakulteta islamskih nauka u Sarajevu Rešid Hafizović u intervjuu za najnoviji broj Dana, čije smo dijelove prenijeli u Oslobodjenju, bez dlake na jeziku je govorio o upućivanju naše djece na ratišta u Siriji i Iraku da ubijaju "neke druge", nedovoljno dobre muslimane. Za to zlodjelo, uvjeren je Hafizović, krivi su oni koji su vodili ovu zemlju.



### JOHANNES HAHN

Austrijanac Johannes Hahn novi je evropski komesar za politiku prema susjedima i pregovore o proširenju. Dosadašnji komesar za regionalnu saradnju je na ovom mjestu naslijedio Stefana Fülea. Iako se u narednih pet godina ne očekuje dalje širenje EU, Hahn je pred velikim poslom kako na uzavrelom istoku Evrope, tako i u našem regionu.

### OPĆINA CENTAR



Načelnik Općine Centar Dževad Bećirević i predsjednica Udruženja Srce za djecu koja boluju od raka u FBiH Lejla Kamberić potpisali su protokol o donaciji pet hiljada KM za izgradnju Roditeljske kuće u krugu Pedijatrijske klinike u Sarajevu. Do sada je za ove namjene prikupljeno 500.000 KM, a za realizaciju kompletnog projekta potrebna su 1,2 miliona.

